

375/1
DHOPADHOLA
Paper 1
2024



UGANDA NATIONAL EXAMINATIONS BOARD

Uganda Certificate of Education

DHOPADHOLA
Ndiko kigana kodi Loko

Papula Mar'apena

New Lower Secondary Curriculum

SCORING GUIDE

SCORING GUIDE FOR DHOPADHOLA 375/1

1(a) NDIKO KIGANA

Chal

(Kemba 04)

- Wich wach m'odocho
- Bolwach m'otire i chakirok ma kigana
- Wach gibe – wach m'ochani i dwol wach manianjere
- Wach machiego

Gimotimere i kalima ma kiwaka pesa /lipiya.

(Kemba 08)

- Kama kalima me obed'iye
- Ndelo gi sawa m'obediye
- Kite jii m'olwoŋi i kalima no
- Gimotimere i chakirok paka luwo, kiwaka pesa, timo tuko kodi miel
- Gikipiny marach m'otimere i kalima no
- Nger ma go okwale gine kenyo m'ongoye gima otimo go
- Gi man man.

Dhodhok

(Kemba 08)

- Ndiko wach m'odocho
- Ndiko wach i hola m'otire
- Chano wach i bol
- Dweko wach m'otire

Kigana pa nyithindho ripo bedo i dwol wach m'opokereopokere ka luwo gima penj mito.

1(b) NDIKO LUWO

Chal

(Kemba 04)

- Wich wach
- Chako luwo - wor ri jomochokere, moth kodi titirok
- Atoŋa
- Chowo luwo

Atoŋa maluwo

(Kemba 08)

Wach madongodongo paka

- Kwaŋo sawa /nyeko sawa
- Gwokirok kwoŋ medho gi oro yen kichar
- Mako mere mabeyo
- Weyo woth kichar tektek mere wor
- Kisoma kitawin pajo
- Kwayo Were
- Woro joradech kodi jonywol
- Konyo jopecho gi tich
- Ruk m'otire
- Gi man man.

Dhodhok

(Kemba 08)

- Ndiko wach m'odocho
- Ndiko wach i hola m'otire
- Chano wach i bol
- Dweko wach m'otire

Nyathi ripo ndiko luwo mago lamiyo ri nyithindho ka fonjo jo nger ma kwo i hola ma ywomirok. Go bende ripo ndiko luwo pere i thutho ka oro dwolwach m'opokereopokere.

2. LOKO

Mikwenda

(Kemba 06)

Dwol marapena

- Pesa m'ibanja jo
- Rapoy ma chulo pesa m'ibanja jo no

Dwol mararyo

- Pesa m'oyere ni ochuli i milega mabino
- Choronni m'ikadho geto

Dwol maradek

- Ndelo mayawo milega mabino
- Gimaber jotimi mafodi jokodonjo i sikul
- Kwayo rijo ywomirok m'otire

Dhodhok

(Kemba 02)

Loko dhodhok modocho paka me:

- | | |
|-------------------------------|--|
| • We dearly thank the parents | iyadieri wafoyo jonywol |
| • Their fees obligations | chulo pesa m'ibanja jo i sikul |
| • Some have defaulted | jomafodi jokochowo chulo pesa/
jom'ibanja jo |
| • Tune of 5 million | pesa mibanja me romo kit 5 |
| • Outstanding bills | thotho ma lipiya m'ibanja jo |
| • Remit | dhiro / kelo / chulo |
| • Paid up bank slip | arisit mawok i bank manyutho ni ochuli
pesa jye |
| • Dictionary | derowach |
| • Mathematical set | set ma kwan |
| • Fruitful stay | bedo i syem m'oasere/ syem m'opon |

Nger ma wach ochanere wok i chakirok kiri ichowe

(kemba 02)

*Nyathi ripo loko wach me i Dhopadhola ka wodho dwong m'onyuthi malo kenyo.
Go ripo ndiko wach pere m'ochanere i dwol adek m'omiy i penj.*

375/2
DHOPADHOLA
Paper 2
2 ½ Hours



UGANDA NATIONAL EXAMINATIONS BOARD
Uganda Certificate of Education

DHOPADHOLA

Papula mararyo

Niaŋ, Ndiko Ichieko kodi Tim gi Kula ma Nono

Sawa Aryo g'adech

CHIK:

*Papula me nitye gi thenge **adek**; Thenge **A**, **B** kodi **C**.*

*Timi penj ma thenge **A** kodi **B** jye.*

*I thenge **C** yeri penj achiel kende; 3 (a) **kosa** 3 (b).*

*Dwoki penj **adek** kende i papula me.*

*Radwok ma penj m'okalo **adek** kokewira.*

Ndiki radwok perin i papula m'ilamiyin.

THENGE A

NIAD

1. *Soma kigana me t'idwoko penj m'omiyin.*

Watundo i kambi ma Aboka Resort m'onyo piny makere, aka m'onyo wamol mothmoth i iye won mere, aneno mach m'onjinere mathindhothindho pa mipira m'oyido oywore kanyo bino romo gi mach ma mutoka mawan.

“Meno wan ondyek ama pilin no, ogwan machalo kibwe ma ithe oryeko pa ith kilafundo aka bende jadwar pa gwok,” Yona ma jakwan wendo otito riwan. “Me a kabedo pajo, aka yamo gini jochokere ka rango chiemo dyer wor ka piny okwe.”

Tekin wachowo madho chai nyakwakirok odikin ma yawere, warure mito kidho neno kapidho ogwane m'ilwojo ni Kidepo m'ipako nago pageni mugole ma nyaka orwaki peta i lwet gin ma jokwakere mito mwodo kwo.

Kadanende oyido nyaka sawa achiel won m'odikini, lero ma wanchien m'oyido otyeko peko wane aka limbo gi tipin got ma Moroto, onyo ochako ole i kombe ma wigot no gi kisangala pageni joma jogalo gi romo ama jomothere. Micha kinono matuko, moruwo kite manyatongweno, manyabokependi pa lifudu. Kere am'omiyo owachi ni “Afirika obedo piny ma milengela”. Wanchieng thir malo pageni tadoba ma josaseredot jo jengo i wiy mesa ma alitar.

I sawa abich won m'odikini onyo kambi olokere ini winyo munap yoneywan, ato onyo wanchieng otyeko tundo bor iyabar m'opedhere pa siniya ma toko muchiere. Jadwong makwan wendo kotito riwan nike ka a kama inyalo nwan iye ogwane ma nger gi nger chiegin denge ma nyalo romo kit ogwane pier'aboro kosa miy'achiel ma pama jotyeko chiro kit kwo ma ka oro gi oro.

Piyopiyo no to dwol m'oruwo kite machol gi matar to menyere riwan. Obedo kidhur sebura m'oyido jochiemo rigin i syem yonyimi wan. Adhyer'adhyera nger ma Were ogeno gikipiny m'oruwo kite aka won onyeo nger ma ruwo!

Jagweyi motoka odwoko sipidi chien de chien to kwako gwoko wan nike kisi nyatoro ochiegi dinisa. Ka nyaka ni wachowo timo ameno won ama waneno dwol simbwor gi nyithindhigin mayiro manok. Me kere am'omiyo sebura gini oyido josedela ro botho kwo pajo.

“Winitye gi silwany konon,” jakwan mawan odoko owacho. “Simbwor, kwach kodi ogwane megithindho jokinwanere ka kichar. Jobedo de malo dho wigot koro aka jolimbaimba ka dichieldichiel liwo dek pajo, tektek mere ka jochwayo nyithindhigin.”

Othieno no, walerlera iyabar ma Kidepo m'othwo, kama chango malawa oyido ni iye no kanyo wagik yo kambi mawan. Anjo ma wakineno? Lyeche, jowe, simbwor iwiyyen, ragadhyan, akwani mene awayi mene.

Paro paran onwecho denge i gikipiny megithindho mabeyo ma nwanere yo adech man i Yuganda paka ogwane ma Nyanja ma Mburo, Lul ma Busitema,

onjere ma Bwindi kodi nguke m'oywore Busitema. Iyadyeri, Yuganda nitye gi lim mabeyo maywayo wendo ma nger gi nger: lule, malawa, ogwane kodi tim gi kula ma nyanono.

Okwany i: *S.3 Dhopadhola Learner's Book.*

Penj:

- (a) Anjo m'omiyo jandiko don dhyer tekin jotundo i Aboka Resort?
- (b) Iparo ni ogwane ma dudi m'opokere jonwano nedi nger ma kwo gi gwokirok?
- (c) I Yuganda nitye joma jomito reyo woko dudi, lule gi samba ma get'ie udi matimo gi man man.
K'iluwo randiko m'iwok kisoma me, titi chwe ma wanwano wok i kabedo m'imito reyo me.
- (d) Ogwane nitye m'opokereopokere i kabedo makachiel i Yuganda. Nitye ogwane m'otuchi i randiko me majonwanjere i kabedo achiel. Titi rapok pajo kodi ogwane man.

THENGE B

NDIKO ICHIEKO

2. *Soma randiko me t'idwoko penj maluwo.*

Chango chon, kisi chalo oyido nigi nger ma gwoko kosa kuro pii maber i jwom kosa pecho. Jwombe oyido obedo mapa chalo gipi. Kisi Sabiti oyido idoyo gi lonyo jwombe. Lonyo jwombe me oyido itimo i nger m'opokereopokere paka chwado, doyo, lwero jangi yen, ywero pii gi yuk makoch, kwanyo tworo gi lum ma twi i pii. Oyido nitye chik mager ma kiyey dhano moro jye kitoga rech kosa buko pii i jwom no. jwom ma rech oyido nitye iye obedo ranyuth ni pii mere ber amadha. K'ineni gi silwany marach to rech tho i jwom oyido meno obedo ranyuth ni pii no kiber amadha.

Oyido ichiero jokulo twomo pii titir gi wanpii. Ka dhano kidho kulo, go ripo chungo chien kosa gi thenge to twomo pii. Oyido ka dhano twomo pii, oro agwata m'olony to konjo i dak kosa ndowo pere m'olony. Oyido i oro kudhin ma gejo nyithindho g'ogwane duwo wanpi. Aka kendo bende iyero dhano achiel ma kuro jwom no.

Joradech ma jokiluw chik mamako lonyo ma jwom bende oyido imiyo jo girachula i nger moro. Pama tim me ongoye.

Ka dhano otundo gi pii pecho, iketho i degi madongo. I konjo pii amadha i dak pii. Dak me iumo gi sen kalwingiri kosa nanga m'olony. Iketho kikopo kosa agwata m'olony i dak pii kosa ilyero i musumali chiegin gi dak pii me. Kikopo kosa agwata me oyido ioro nyaka ma twomo pii i dak t'ikonjo i kikopo man. Nyithindho kiyey jo twomo pii i dak kendigin rupiri jonyalo kocho pii. Nitye pechin meg i chalo mawan mafodi jotimo ama.

Pama me iketho pii i chupin ma nyamipira kosa imuro pii nyaka t'ikonjo i jirikan m'olony t'iketho i chuma ma njicho gikipiny (firiji). Imiyo jii ryeko ma ketho makerenda ma kenera pii m'ilwojo ni kulorin. Pii me ioro i pechin inger m'opokereopokere.

Okwany i: *S.3 Dhopadhola Learner's Book.*

Giratima:

Okwayin ni ipoy jii kwom nger m'ikur'ie pii m'olony. Wodhi paro perin i wach maromo 100.

DUL C
TIM GI KULA MA NONO

3. *Thenge me nitye gi penj aryo. Timi penj **achiel** kende.*

(a) *Soma giratima m'omiyin piny ka idwoki penj maluwo.*

Yokin chango odongo inono man riameno go okuya thutho ma gikipiny ma makere gi nono ma Padhola. Pama go mito timo lumbe i lyendi kwarin. Go okuya thenethene maber aluwa i nger kalima machalo ama.

Giratima:

In paka nyathi ma timo dhodhok ma Dhopadhola i siniya maranwen, ndiki gimatimere i lumbe malakonyo yokin i chan pere.

KOSA

(b) *Soma giratima m'omiyin piny ka idwoki penj maluwo.*

Nyamerin ma dwon onywolo rut aka timo chan machwoko nying nyithindho pere. Go okuya thenethene ma go nyalo luwo rupiri chango go odongo pa jopaneyin.

Giratima:

Ndiki gimabedo i kalima no.

375/2
DHOPADHOLA
Paper 2
2024



UGANDA NATIONAL EXAMINATIONS BOARD

Uganda Certificate of Education

DHOPADHOLA

Niaŋ, Ndiko Ichieko kodi Tim gi Kula ma Nono

Papula Mar'aryo

New Lower Secondary Curriculum

SCORING GUIDE

SCORING GUIDE FOR DHOPADHOLA 375/2 – 2024

1. NIAD

(a) (Kemba 04)

Wañ ondyek ma pilin pa mach m'onjere mathindhothindho am'omiyo go dhier.

(b) (Kemba 04)

- Jochamo lum paka sebura
- Megi jochamo wadi jo paka kwach, simbwor kodi ondyek
- Jomadho pii
- Jonindo i kombe gote kosa i wiy yen
- Madongo jowotho gi nyithindhigin ma gwoko jo
- Jonwecho ka machamo jo bino
- Igwoko jo kam'ikuriye ogwañe

(c) (Kemba 06)

- Lim mabeyo ma ywayo wendo nger gi nger paka lule, malawa kodi ogwañe.
- Tim gi kula manyanono paka nonin ma jokwo i lule.

(d) (Kemba 06)

M'otuchi i randiko

- Kinen kichar
- Nwañere i kabedo manyakare / idudi
- Megi jochamo jii
- Wegi jorango nger ma kwo

Ma kotuchi

- Neno manok nok
- Nwañere pecho
- Jokichami jii
- Ipidho jo

Penj ma randiko me nitye gi penj 4; (a - d). Penj me mito nyithidho jonyuthi ni jo niang randiko me. Bende joripo poro ogwañe ma pecho kodi ma dudi kodi nyutho chwe ma thim m'ogwañe me bed'idiye.

2. NDIKO ICHIEKO

(Kemba 10)

KURO PII M'OLONY

- Nitye nger kweth ma kuro pii m'olony.
- Chwado gi doyo lum m'othoko wan pii.
- Ywero wanpii
- Lwero jangiyen m'othoko wanpii.
- Kwanyo woko tworo gi lum matwi i pii.
- Chiero jii kibuka gi kitoga i pii.
- Kimiti twomo pii tirtir gi wane.
- Oro gim'olony ma twomo pii.
- Gejo wanpii gi kudho.
- Ketho jakur jwom.
- Konjo pii amadha i dak t'iumo gi gim'olony.
- Gejo nyithindho twomo pii amadha.
- Muro pii amadha kosa keth'ye makerenda.

Me obedo giranena ma wach ma buchan ma nyathi laoro ma ndiko wach m'ochanere. Go ripo ketho ndiko pere i chieko i dwolwach m'ochanere maber.

3. TIM GI KULA MANYANONO

(a) LUMBE

(Kemba 20)

Gimatimere i lumbe obedo me:

- Jopecho kodi jonono jobedo i romo timo chan ma kalima.
- Bayo athero ri wade, merin kodi oche.
- Bako moko matyeko ndelo abich tundo abiryo.
- Budo thow
- Dwoyo kojo to chowo ndelo anwen.
- Bilo kojo.
- Thumo dhok gi gwendi yonyimi kaliel pa nata itimo rigo lumbe me.
- Lamirok k'ilwojo nying jatho ka ikiro remo mawok igikipiny m'othumi no.
- Itedo chiemo ndelo ma lumbe no.
- I jengo kojo i sawa apar garyo mothieno t'imadho kojo.
- Yawere mere, kalima madwoj itimo paka wendo m'olwoji jobino t'ichiemo t'imadho odiechiej gi wor yawo piny.
- Chiemo pa oche ichano rijo githenge.
- Igoyo ndara kodi fumbo ndelo no.

- Imedho chowo kada ndelo adek kosa anwen aka me wok ro nyalo pa jopecho no.
- K'ochowi lumbe t'ikedho ot pa jatho.
- Kodi man morojie.

Nyathi ripo ndiko gimatimere i lumbe wok i chakirok kiri i chowe. Go bende ripo ndiko radwok pere i dwolwach m'opokereopokere ka ndiko i thutho. Go bende nyalo miyo giranena kama mitere.

(b) CHWOKO RUT

(Kemba 20)

Me a gimabedo i kalima ma chwoko rut.

- Min rut ndiko athero aryo – achiel ri omin manono kodi ri omin chwore manono
- Okewo ama bayo athero no.
- Go tero athero no nyalinlin to ketho i buti ot kosa i thengi dero.
- Ka go odok to dhiro mikwenda ri jono ni obayi ri jo athero.
- Ibangi ndelo adek kosa anwen to jo yikere kidho wodho rut.
- Iwodho min wengi gi bawengi t'iketho jo i dhi ot.
- Wayi jichwo ketho kojo i dhoke to kiro ri jo ka luwo kwer – di dek ri ma jichwo aka dinwen ri ma dhako.
- Gikenyo t'ichwoko nying jo – Opio kosa Apio ri rut m'otelo, Odongo kosa Adongo ri m'owok chien.
- Kenyo bende t'imiyo jonywol bende nyingjo – Bawengi kodi Min wengi kosa baa jaryo kosa min jaryo.
- Kenyo t'ichamo chiemo mowok yothugi nyako.
- Gi man man

Nyathi ripo ndiko gimatimere i kalima ma chwoko rut wok i chakirok kiri i chowe. Go bende ripo ndiko radwok pere i dwolwach m'opokereopokere ka ndiko i thutho. Go bende nyalo miyo giranena kama mitere.

375/1
DHOPADHOLA
Paper 1
2 Hours



UGANDA NATIONAL EXAMINATIONS BOARD

Uganda Certificate of Education

DHOPADHOLA

Papula Marapena
Ndiko kigana kodi Loko

Sawa Aryo

CHIK:

*Papula me nitye gi thenge **aryo**; Thenge **A** kodi **B**.*

*Yeri penj achiel i thenge **A**; 1(a) **kosa** 1(b).*

*Timi penj ma thenge **B** jye.*

*Dwoki penj **aryo** kende i papula me.*

Radwok ma penj m'okalo aryo kokewira.

Ndiki radwok perin i papula m'ilamiyin.

THENGE A
NDIKO KIGANA

1. *Thenge me nitye gi penj aryo. Timi achiel kende.*

(a) *Soma gima ondiki ka rumachien t'idwoko gim'openjin. Ori wach maromo 350-400.*

Jager mewin m'otegino i chalo oywomere munyo initye i somero m'inind'ie. Wor m'oyawo ndelo mayikirok okeli kitipa ma konyo i kiwaka pesa ma thielo jom'ofiriwa. Mon, chwo, nyir gi yach wok thenge gi thenge jobino kenyo g'atoŋa pajo m'opokere opokere. Ibende ikwale i somero t'ikidho i kiwaka pesa no, to gimotimere wor no omiyo ikwoŋere ni kendo kendo ikokidhi i namba chokirok no.

Giratima:

Ndiki gim'otimere nago.

Kosa

(b) *Soma gima ondiki ka rumachien t'idwoko gim'openjin. Ori wach maromo 150-200.*

Rumathoth ka soye jotyeko nwaŋo ywomirok wok i sikul to jodok i chalin pajo, wiyjo nywowere to jochako timo gima kiber.

Giratima:

Paka jatel ma soye i sukul mewin, riwi gi jo ryeko ma kwo i hola me, motire.

THENGE B
LOKO

2. *Soma randiko me t'idwoko penj ma luwo.*

Omiyin baluwa ma chowo milega marapena i somero perin m'iripo tero ri jonywol perin. Baluwa me ondiki gi Dholusungu aka jonywol perin jye jokuya dhodhok no. Iyenyio ni joniani gim'ondiki i baluwa me tektek mamakere gi pesa m'ichulo i somero.

Giratima:

Loki rijo adech ma baluwa no m'ondiki ama:

We dearly thank the parents who managed to clear the fees of their children. However, some have defaulted to the tune of five million shillings. It is our prayer that this money is paid before the beginning of next term to enable us settle the outstanding bills.

Next term, however, as agreed in the last Annual General Meeting, each learner will make an additional contribution of twenty five thousand shillings towards the construction of the school pit latrine. We pray God gives you the means to get this money and remit it early.

Next term opens on Monday 21st July, 2024. Please ensure that your child reports back to school on the first day of the term. Be reminded that no student will be received without the following items: full school uniform, fully paid-up bank slip, 2 dozen exercise books, a mathematical set and a dictionary.

We wish you a happy and fruitful stay with your children during this short holiday.

SAMPLE PAPER